

ქ. თბილისი

“ 11 “ იანვარი 2018 წ.

ერთი მხრივ საქართველოს სოფლის მეურნეობის სამინისტროს ს.ს.ი.პ – სურსათის ეროვნული სააგენტო (შემდგომში “შემსყიდველი”) წარმოდგენილი სააგენტოს უფროსის ზურაბ ჩეკურაშვილის სახით და მეორეს მხრივ, შპს „ავტოლიდერი“ (შემდგომში “მიმწოდებელი”) წარმოდგენილი მისი დირექტორის ნინო გრძელიძის სახით, “სახელმწიფო შესყიდვების შესახებ” საქართველოს კანონისა და მიმწოდებლის სატენდერო წინადადების საფუძველზე, NAT170013892 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.

1.3. “დღე”, “კვირა”, “თვე” - კალენდარული დღე, კვირა, თვე.

1.4. “მომსახურება” – ხელშეკრულების მე-2 მუხლით გათვალისწინებული ხელშეკრულების საგანი.

1.5. “ტექნიკური დავალება” - სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.

1.6. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

2.1. ხელშეკრულების საგანს წარმოადგენს სატენდერო დოკუმენტაციაში მითითებული შემსყიდველის კუთვნილი ავტომაქსანების შეკეთებისა და ტექნიკური მომსახურების შესყიდვა.

2.2. მომსახურების აღწერა მითითებულია ტექნიკურ დავალებაში.

2.3. (CPV 50112000).

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 280,000 (ორასოთხმოცი ათასი) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა შესაბამის გადასახადებს.

3.3. ხელშეკრულების დაფინანსების წყარო - სახელმწიფო ბიუჯეტი .

3.4. პრეისკურანტის ღირებულებაა 145,225 (ას ორმოცდახუთი ათას ორას ოცდახუთი) ლარი.

4. მომსახურების გაწევის ვადები და ადგილი

4.1. მომსახურება გაწეულ უნდა იქნეს ხელშეკრულების გაფორმებიდან 2018 წლის 28 დეკემბრის ჩათვლით;

4.2. მომსახურება გაწეულ უნდა იქნეს შემდეგი პირობების გათვალისწინებით:

4.2.1. შესაკეთებელი ავტომანქანის ტექ-მომსახურების გაწევის ადგილზე მიყვანისთანავე შედგება შესაბამისი დოკუმენტი, რომელშიც უნდა დაფიქსირდეს ავტომანქანის რეკვიზიტები და მიყვანის თარიღი.

4.2.2. მიმწოდებელი ვალდებულია, ავტომანქანის ტექ-მომსახურების გაწევის ადგილზე მიყვანიდან 2 (ორი) სამუშაო დღის განმავლობაში, აცნობოს შემსყიდველს ავტომანქანის შეკეთებისათვის საჭირო მომსახურების ჩამონათვალი, მისი ღირებულების მითითებით (დეფექტური აქტი). თუ მომსახურების გაწევისათვის აუცილებელია დეფიციტური ნაწილის გამოყენება, აღნიშნულის თაობაზე ცალკე უნდა იქნეს მითითებული დეფექტურ აქტში.

4.2.3. დეფექტური აქტის მიღების შემდეგ შემსყიდველი უგზავნის მიმწოდებელს დაკვეთის ფურცელს, რომელშიც ასახული იქნება ავტომანქანაზე გასაწევი მომსახურების ჩამონათვალი.

4.2.4. მიმწოდებელი ვალდებულია თითოეულ ავტომანქანაზე დაკვეთიდან 5 (ხუთი) კალენდარულ დღეში გასწიოს მომსახურება.

4.2.5. თუ ავტოტექმომსახურება ეხება ძრავის კაპიტალურ რემონტს, სამღებრო-სათუნუქე სამუშაოებს ან დეფიციტური სათადარიგო ნაწილით უზრუნველყოფას შესაძლებელია მომსახურების გაწევის დრო გაიზარდოს, მაგრამ არაუმეტეს 30 კალენდარულ დღემდე

4.2.6. საცხებ-საპოხი მასალების, ფილტრებისა და სამუხრუჭე ხუნდების შეცვლისას მომსახურება გაწეულ უნდა იქნას ავტომანქანის ტექ-მომსახურების გაწევის ადგილზე მიყვანისთანავე, დეფექტური აქტისა და დაკვეთის ფურცლის შედგენის გარეშე.

4.2.7. მომსახურების დასრულებისთანავე, მიმწოდებელი ვალდებულია აცნობოს შემსყიდველს აღნიშნულის შესახებ, რაზეც შემდგომში შედგება მომსახურების გაწევის აქტი. თუ მომსახურების გაწევა დასრულდა არასამუშაო დღეს, მაშინ შემსყიდველისთვის ცნობება უნდა მოხდეს პირველივე სამუშაო დღეს.

4.2.8. მხარეებს შორის ამ მუხლში აღნიშნული დოკუმენტებისა და ინფორმაციის მიწოდება უნდა განხორციელდეს წერილობით ან ელექტრონული ფოსტის მეშვეობით.

4.3. მომსახურების გაწევის ტერიტორიაა – თბილისი, (აჭარის, სამეგრელოს, იმერეთის და კახეთის რეგიონები).

5. მიღება-ჩაბარების წესი

5.1. მომსახურება ან მისი ნაწილი მიღებულად ჩაითვლება მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

5.2. მხარეებს შორის პერიოდულად გაფორმდება მიღება-ჩაბარების აქტი შესაბამისი პერიოდის მომსახურების ღირებულების ასახვით;

5.3. შემსყიდველის მხრიდან მიღება-ჩაბარების აქტზე ხელმომწერი უფლებამოსილი პირები არიან კონტროლის განმახორციელებელი ჯგუფის წევრები.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში, ეტაპობრივად, შესაბამისი მიღება-ჩაბარების აქტის გაფორმების შემდეგ.

6.2. ანგარიშსწორების ფორმა იქნება – უნაღდო.

6.3. ანგარიშსწორება მოხდება ფაქტიურად გაწეული მომსახურების შესაბამისად 10 სამუშაო დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმისდა მიხედვით რომელი უფრო გვიან მოხდება).

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;

7.2. შემსყიდველი ვალდებულია გადაიხადოს მომსახურების გაწევის ღირებულება ხელშეკრულების პირობებისა და ვადის გათვალისწინებით;

7.3. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულების პირობებისა და ვადის გათვალისწინებით;

7.4. მიმწოდებელი ვალდებულია:

7.4.1. გასწიოს მომსახურება დადგენილი ხარისხითა და სტანდარტებით;

7.4.2. განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე;

7.4.3. შემსყიდველის მოთხოვნით გასწიოს ისეთი სახის მომსახურება, რომელიც არ არის ასახული პრეისკურანტში. აღნიშნულ შემთხვევაში ანაზღაურება მოხდება საბაზრო ფასის მიხედვით, მხარეთა შეთანხმებით, ყოველ კონკრეტულ შემთხვევაზე. ამასთან ყოველი ასეთი მომსახურების ხვედრითი წილი არ უნდა აღემატებოდეს მიმწოდებლის მიერ ელექტრონულ სისტემაში დაფიქსირებულ საბოლოო პრეისკურანტის ჯამური ღირებულების 10%-ს (14522 ლარი და 50 თეთრი)

8. ხელშეკრულების შესრულების კონტროლი

8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული კონტროლის განმახორციელებელი ჯგუფი;

8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. გარანტია

9.1. მიმწოდებელი იძლევა გარანტიას, რომ მის მიერ მოწოდებული მომსახურება იქნება ხარისხიანი და არ გამოავლენს დეფექტებს შემდეგ ვადებში:

9.2. ძრავზე გაწეული მომსახურება – მომსახურების გაწევის მომენტიდან არანაკლებ ერთი წლის განმავლობაში;

9.3. სხვა დანარჩენ მომსახურებაზე – მომსახურების გაწევიდან არანაკლებ 6 თვის განმავლობაში.

9.4. აღნიშნულ ვადაში მიმწოდებელი ვალდებულია საკუთარი სახსრებით თავად უზრუნველყოს გამოვლენილი ყველა დეფექტის და ნაკლის გამოსწორება;

10. პირგასამტეხლო ხელშეკრულების პირობების შეუსრულებლობისავის

10.1. მიმწოდებლის მხრიდან ხელშეკრულების 4.2. პუნქტით გათვალისწინებული ვადების დარღვევის შემთხვევაში, მას დაეკისრება პირგასამტეხლო შეუსრულებელი ვალდებულების ღირებულების 0.02%-ის ოდენობით, ყოველ ვადაგადაცილებულ დღეზე;

10.2. მიმწოდებლის მხრიდან არაჯეროვანი მომსახურების მიწოდების შემთხვევაში, მას დაეკისრება პირგასამტეხლო არაჯეროვნად მიწოდებული კონკრეტული მომსახურების ღირებულების 0.02% ის ოდენობით, ყოველ კონკრეტულ შემთხვევაზე.

10.3. ხელშეკრულების 10.1. და 10.2 პუნქტებით გათვალისწინებულ შემთხვევაში შემსყიდველს არ ევალება ხელშეკრულების 6.3. პუნქტში მითითებული ვადის დაცვა.

10.4. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;

10.5. თუ ხელშეკრულების 10.1. და 10.2 პუნქტებით გათვალისწინებული პირგასამტეხლოების თანხა გადააჭარბებს ხელშეკრულების ჯამური ღირებულების 1%, შემსყიდველს უფლება აქვს ცალმხრივად შეწყვიტოს აღნიშნული ხელშეკრულება.

10.6. პირგასამტეხლოების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულების უზრუნველყოფის გარანტია

11.1. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილია სახელშეკრულებო ღირებულების 5% - იანი საგარანტო უზრუნველყოფა, რომლის მოქმედების ვადა 30 დღით აღემატება ხელშეკრულების მოქმედების ვადას.

11.2. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი საბანკო გარანტიიდან, მოხდება შემსყიდველის ყველა იმ მოთხოვნის დაკმაყოფილება, რაც გამოწვეული იქნება მიმწოდებლის მხრიდან ხელშეკრულების პირობების დარღვევით.

12. ხელშეკრულებაში ცვლილებების შეტანა

12.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შეწყვეტა

13.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

13.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს

მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

14.3. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

15. ხელშეკრულების მოქმედების ვადა

ხელშეკრულება მოქმედებს ხელმოწერის მომენტიდან 2019 წლის 28 იანვრის ჩათვლით.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

შემსყიდველი

მიმწოდებელი

სსიპ – სურსათის ეროვნული სააგენტო	შპს “ავტოლიდერი”
ს.კ. – 205142200 თბილისი, მარშალ გელოვანის №6 ბანკი : სახელმწიფო ხაზინა ბანკის კოდი: 220101222 ანგარიშსწორების ანგარიში: 200122900	მის: თბილისი, თევდორე მღვდლის ქ.№57ა ელ.ფოსტა: autoleader2012@gmail.com ს/კ - 401970382 მომსახურე ბანკი: სს “თიბისი ბანკი” ბ.კ. TBCBGE22 ა/ა - GE15TB7715636020100002
სააგენტოს უფროსი ზურაბ ჩეკურაშვილი	დირექტორი ნინო გრძელიძე



ხ ე ლ წ ე რ ი ლ ი
ინტერესთა კონფლიქტის არარსებობის შესახებ

ჩვენ, ქვემოთ ხელის მომწერი ვადასტურებთ, რომ შპს „ავტოლიდერი“-ს მიმართ ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

სსიპ სურსათის ეროვნული სააგენტოს უფროსი

იურიდიული დეპარტამენტი

საფინანსო-ეკონომიკური დეპარტამენტი

ადმინისტრაციული დეპარტამენტი

სახელმწიფო შესყიდვების სამმართველო

ხელშეკრულების პირობების შესრულებაზე კონტროლის განმახორციელებელი ჯგუფი:

პაატა მაისაია

ლევან ცოტაძე

აბესალომ არჩემაშვილი

ზურაბ ჭეიშვილი

ლევან გიორგაძე

17/102-01

საბანკო გარანტია # 6207156-9521152

ქალაქი თბილისი

2018 წლის 10 იანვარი

ს.ს. "თიბისი ბანკის" მარჯანიშვილის ფილიალის ბექ-ოფისის უფროსი მენეჯერი თამარ ბერმენიშვილი, მოქმედებს რა წესდებისა და საქართველოს კანონმდებლობის საფუძველზე, გასცემს წინამდებარე გარანტიას ქვემოთ წარმოდგენილი ძირითადი პირობებით:

გარანტი:

სს "თიბისი ბანკი"

პრინციპალი:

შპს ავტოლიდერი

საიდენტიფიკაციო ნომერი: 401970382

რეგ. თარიღი: 01/05/2012

ბენეფიციარი:

სსიპ სურსათის ეროვნული სააგენტო

გარანტიის თანხა:

14 000,00 (თოთხმეტი ათასი ლარი) ლარი

გარანტიის გაცემის საფუძველი:

"ბენეფიციარს" და "პრინციპალს" შორის მანქანების შეკეთება და ტექნიკური მომსახურების თაობაზე (NAT170013892) გასაფორმებელი ხელშეკრულების საფუძველზე (შემდგომში „ხელშეკრულება“) პრინციპალის მიერ ბენეფიციარის წინაშე ნაკისრი ვალდებულების უზრუნველყოფა.

გარანტიის თანხის მოთხოვნის უფლება:

"გარანტი" კისრულობს ვალდებულებას, ამ საბანკო გარანტიის წერილის პირობების გათვალისწინებით, პირველივე წერილობითი მოთხოვნის მიღებიდან 5 (ხუთი) სამუშაო დღის¹ ვადაში "ბენეფიციარს" გადაუხადოს მოთხოვნაში მითითებული თანხა, მაგრამ არაუმეტეს გარანტიის თანხისა

1. სამუშაო დღე - კალენდარული დღე, გარდა შაბათისა, კვირისა და საქართველოს კანონმდებლობით განსაზღვრული უქმე დღეებისა.

ბენეფიციარმა წერილობით მოთხოვნაში (რომელიც ხელმოწერილი უნდა იყოს უფლებამოსილი პირის მიერ) აუცილებელი წესით უნდა მიუთითოს იმ გარემოების შესახებ თუ რაში გამოიხატება პრინციპალის მიერ ვალდებულების დარღვევა.

წერილობითი მოთხოვნა თანდართულ დოკუმენტებთან ერთად (წინამდებარე გარანტიით გათვალისწინებული რაიმე სახის დოკუმენტის წარმოდგენის აუცილებლობის განსაზღვრის შემთხვევაში) წარდგენილ უნდა იქნეს ს.ს. "თიბისი ბანკის" მარჯანიშვილის ფილიალის კანცელარიაში სამუშაო საათებში.

საგარანტიო თანხის შემცირება:

საგარანტიო თანხა მცირდება "პრინციპალის" ვალდებულების დოკუმენტალური და ბენეფიციარის მხრიდან წერილობით დადასტურებული შესრულების პროპორციულად.

გარანტიის მოქმედების ვადა:

01 მარტი 2019-ის ჩათვლით

მოთხოვნა გარანტიაზე გადახდის შესახებ "ბენეფიციარის მიერ წარმოდგენილ უნდა იქნას ამ თარიღის ჩათვლით.

თუ წინამდებარე საბანკო გარანტიის მოქმედების ვადაში არ იქნა წარმოდგენილი "ბენეფიციარის" წერილობითი მოთხოვნა "პრინციპალის" შეუსრულებელ ვალდებულებაზე მითითებით, თანდართული "ხელშეკრულების" ასლითა და წინამდებარე გარანტიით გათვალისწინებული სხვა დოკუმენტით (წინამდებარე გარანტიით ასეთის წარმოდგენის აუცილებლობის განსაზღვრის შემთხვევაში), მაშინ გარანტიის მოქმედება წყდება (ბენეფიციარის მოთხოვნის წარმოდგენილობის შემთხვევაში საბანკო გარანტია ავტომატურად უქმდება მისი მოქმედების ვადის გასვლით).

საბანკო გარანტია ზემოაღნიშნულის გარდა ასევე უქმდება შემდეგ შემთხვევებში:

- ბენეფიციარისთვის იმ თანხის გადახდით, რომელზედაც გაიცა გარანტია;
- ბენეფიციარის მიერ გარანტიიდან გამომდინარე საკუთარ უფლებებზე წერილობითი უარის თქმით და საბანკო გარანტიის დედნის გარანტისთვის დაბრუნებით;
- პრინციპალის მიერ საგარანტიო ვალდებულებების სრულად შესრულებით, რომელიც წერილობით დადასტურებული უნდა იქნას ბენეფიციარის მიერ.

წინამდებარე გარანტიაზე საქართველოს სამოქალაქო კოდექსთან ერთად მოქმედებს საერთაშორისო სავაჭრო-სამრეწველო პალატის მიერ დადგენილი უნიფიცირებული წესები მოთხოვნამდე გარანტიებზე (პუბლიკაცია #758).

საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.

ს.ს. "თიბისი ბანკის" მარჯანიშვილის ფილიალის ბექ-ოფისის უფროსი მენეჯერი თამარ ბერმენიშვილი

